

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE**



**Broj: 01-187/26
Vareš, 29.06. 2026. godine**

Na osnovu člana 22. i 95. Statuta Općine Vareš (prečišćeni tekst) broj:01-162/12 od 11.09.2012.godine, a u vezi sa članom 100. Poslovnika o radu Općinskog vijeća Vareš (Novi prečišćeni tekst) broj: 01-132/20 od 19.10.2020. godine, broj: 01-170/21 od 30.09. 2021. godine i broj: 01-91/23 od 30.03. 2023. godine, Općinsko vijeće Vareš na 17. sjednici održanoj 29.06. 2026. godine, d o n o s i

Z A K L J U Č A K

1. **PRIHVATA** se Izvještaj o radu JU „Centar za socijalni rad“ Vareš za 2025. godinu.
2. Izvještaj o radu JU „Centar za socijalni rad“ Vareš za 2025. godinu iz tačke 1. čini sastavni dio ovog Zaključka.
3. Ovaj Zaključak stupa na snagu danom donošenja.

DOSTAVLJENO:

1x Općinski načelnik,
1x direktor JU,
1x predsjednik UO,
1x a/a.



**PREDSJEDAVAJUĆI
OPĆINSKOG VIJEĆA**

Igor Šimić

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba

JAVNA USTANOVA

**CENTAR ZA SOCIJALNI RAD
V A R E Š**

01-78/26
22.05.2026

**OPĆINA VAREŠ
OPĆINSKO VIJEĆE
-Stručna služba Općinskog vijeća-**

Vareš, 22.005.2026. godine

Vaš znak:

Naš znak: 01-14-510/26

PREDMET : Izvještaj o radu JU CSR Vareš za 2025. godinu – dostavlja se

Poštovani,
u prilogu Vam dostavljamo Izvještaj o radu JU Centra za socijalni rad Vareš za 2025. godinu i
Odluku Upravnog odbora o usvajanju izvještaja o radu za 2025. godinu.

S poštovanjem,

Prilog: kao u tekstu

Dostavljeno:
1x Naslovu
1x a/a



Direktora:
Nihada Gondžo
Nihada Gondžo

JAVNA USTANOVA
CENTAR ZA SOCIJALNI RAD
V A R E Š

Broj: 01-14- 509 /26
Vareš, 12.05.2026. godine

IZVJEŠTAJ O RADU

CENTRA ZA SOCIJALNI RAD VAREŠ ZA 2025. GODINU

I UVODNI DIO IZVJEŠTAJA

Naziv ustanove: Javna ustanova Centar za socijalni rad Vareš

Sjedište ustanove: Zvijezda bb. - zgrada Dječijeg obdaništa Vareš.

Odlukom Općinskog vijeća Centru za socijalni rad Vareš dodjeljen je na korištenje dio zgrade dječijeg obdaništa, tačnije 67 m² i isti prostor Centar koristi od 2002. godine dok je sam prostor u više navrata adaptiran i prilagođavan potrebama zaposlenika i korisnika socijalne zaštite.

Osnivač ustanove: Općina Vareš

Javna ustanova Centar za socijalni rad Vareš registrovan je kod Višeg suda u Sarajevu i upisan u sudski registar broj: 3-177, rješenjem tog suda UF7/I 1589 /96 od 16.05.1996. godine. Rješenjem Općinskog suda u Zenici je izvršena registracija o usklađivanju djelatnosti broj: OPU-IP:166/12 od 29.05.2012. godine.

Organizacija udruženog rada Centar za socijalni rad Vareš sa potpunom odgovornošću upisan je u sudski registar kod Okružnog privrednog suda u Sarajevu u registarski uložak broj: 835 rješenjem tog suda broj: U/I 180/76 od 11.02.1976. godine i registrovan kao socijalna zaštita bez smještaja.

Djelatnost i osnovni podaci ustanove:

- Djelatnost Centra je socijalna zaštita bez smještaja – šifra djelatnosti: 8899.
- Identifikacijski broj Centra je: 4218177240001.
- Transakcijski račun Centra: 3389002208064166 otvoren kod Unicredit banke.
- Namjenski račun Centra: 3386902246896960 otvoren kod Unicredit banke.
- Telefon/fax : 032 849 480 i 032 849 481.
- E-mail: zastita@bih.net.ba.

Podaci o zaposlenicima i kvalifikacijskoj strukturi:

Poslove u Centru za socijalni rad u izvještajnom periodu je obavljalo 5 (pet) uposlenika sa ugovorom na neodređeno vrijeme i jedna zaposlenica sa ugovorom na određeno vrijeme.

Od navedenog broja uposlenih kvalifikaciona struktura je sljedeća:

- VSS - 4 (četiri) uposlenika – dipl. Socijalni radnici;
- SSS – IV stepen - 1 (jedan) uposlenik.

Nacionalna struktura: 5 (pet) bošnjaka.

Polna struktura: 3 (tri) žene i 2 (dva) muškarca.

Podaci o članovima Upravnog odbora:

Organ upravljanja ustanove je Upravni odbor kojeg imenuje i razrješava Općinski Načelnik.

Upravni odbor Centra čine sljedeći članovi:

1. Sonja Zukan – predsjednica UO,
2. Anel Muftić – član i
3. Mirsad Alihodžić - član UO ispred zaposlenih ustanove.

U 2025. godini održano je 5. sjednica Upravnog odbora Centra. Izveštaji i zapisnici sa sjednica su dostavljeni općinskom Načelniku na uvid.

Na sjednicama UO se raspravljalo o sljedećem:

- Finansijski Izveštaj Centra za 2024. godinu;
- Usvajanje Izveštaja o radu za 2024. godinu;
- Usvajanje Pravilnika z zaštitu ličnih podataka;
- Usvajanje Pravilnika o zaštiti na radu;
- Odluka Plan prihoda i rashoda za 2026. godinu;
- Informacije o radu i tekućim aktivnostima;
- Raspravljanje o tekućoj problematici koja prati rad ustanove.

Rad u Centru: Poslovi i radni zadaci u Centru obavljaju se po referatima raspodjeljenim po uposlenicima a konačne odluke iz oblasti socijalne zaštite i zaštite porodice sa djecom donosi Stručni tim Centra kojeg čine socijalni radnici Centra, a po potrebi angažuju se i stručnjaci drugih profila poput psihologa, pravnika i dr. stručnih lica.

Broj korisnika usluga:

KORISNICI	BR KOR.	KORISNICI	BR KOR.
CIVILNE ŽRTVE RATA	32	OSOBE SA INVALIDITETOM-NERATNI INVALIDI	337
DJEČJI DODATAK PO FEDERALNOM PROPISU	218	RODITELJI NJGOVATELJI	6
NOVČANA POMOĆ NEZAPOSLENIM PORODILJIMA	9	POVRAT SREDSTAVA ZA TROŠKOVE M/V	31
KORISNICI JEDNOKRATNE NOVČANE POMOĆI	128	PORODIČNA PROBLEMATIKA	29
ZDRAVSTVENA ZAŠTITA	93	POSREDOVANJE	3
NAKNADA PLAĆE PORODILJAMA U R.O.	7	SMJEŠTAJ U ŠUMERO, DUGA N. TRAVNIK	2
STALNA NOVČANA POMOĆ	24	SMJEŠTAJ U DOMOVE ZA STARA LICA	20
DODATAK ZA DJECU I MLAĐE SA INVALIDITETOM	2	SMJEŠTAJ U USTANOVE ZA SOCIJALNO ZBRINJAVNJE I ZDRAVSTVENU NJEGU	24
STARATELJSTVO	290		
Ukupno korisnika usluga i prava: 1255			

II GLAVNI DIO IZVJEŠTAJA

1.Narativni dio izvještaja

Socijalna zaštita je Ustavom zagarantovana djelatnost i usmjerena je na osiguranje socijalne sigurnosti građana i njihovih porodica u stanju socijalne potrebe a regulisana je Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“ broj: 36/1999, 54/2004, 39/2006, 14/2009, 07/2014, 45/2016, 19/2017, 40/2018, 52/2022, 16/2023 i 60/2023), Zakonom o socijalnoj zaštiti, zaštiti civilnih žrtava rata i zaštiti porodice sa djecom – prečišćeni tekst („Službene novine Zeničko-dobojskog kantona" broj:4/25), Zakonom o jedinstvenim načelima i okviru materijalne podrške lica sa invaliditetom („Službene novine Federacije BiH“ broj: 13/2025) i Zakonom o materijalnoj podršci porodicama sa djecom u Federaciji Bosne i Hercegovine („Službene novine Federacije BiH”, broj: 52/22 i 58/24) kao i podzakonskim aktima.

Korisnici socijalne zaštite su porodice i pojedinci u stanju socijalne potrebe sa prijavljenim mjestom prebivališta/boravišta na području općine Vareš.

Centar za socijalni rad Vareš je u izvještajnom periodu provodio djelatnost u skladu sa odredbama Zakona o upravnom postupku, Porodičnog zakona, Federalnog i Kantonalnog Zakona o socijalnoj zaštiti, Zakona o materijalnoj podršci obiteljima sa djecom, Zakonom o roditeljima njegovateljima u FBiH, Krivičnog zakona, Zakona o zaštiti od nasilja u porodici, Zakona o matičnim knjigama F BiH, Zakona o zaštiti osoba sa duševnim smetnjama, Zakon o zaštiti ličnih podataka, Zakona o ravnopravnosti spolova u BiH, Zakona o izvršenju sankcija u ZE-DO kantonu, Pravilnika o zaštiti žrtava i svjedoka žrtava trgovine ljudima državljana BiH, Uredba o primjeni odgovarajućih preporuka prema maloljetnicima, Pravilnika o otkrivanju, ocjenjivanju sposobnosti, razvrstavanju i evidencije djece i mladih ometene u fizičkom i psihičkom razvoju djece, te Odluke o odobravanju sredstava za povremene i jednokratne novčane pomoći i aktima JU Centra za socijalni rad Vareš, kao i drugim zakonima i podzakonskim aktima.

Navedenim zakonima utvrđena su prava i oblici socijalne zaštite:

Prava iz socijalne zaštite:

- novčana i druga materijalna pomoć,
- osposobljavanje za život i rad,
- hraniteljstvo,
- njegovateljstvo,
- smještaj u ustanove socijalne zaštite,
- privremeni smještaj i zbrinjavanje u sigurnoj kući,
- usluge socijalnog i drugog stručnog rada,
- vršenje starateljstva i nadzor.

Oblici socijalne zaštite:

- dječiji dodatak po federalnom propisu,
- naknada plaće ženi-majci u radnom odnosu za vrijeme dok odsustvuje sa posla radi trudnoće, porođaja i njege djeteta,
- novčana pomoć žene-majke koja nije u radnom odnosu,
- zdravstvena zaštita korisnika socijalne zaštite,
- jednokratne novčane pomoći,
- dodatak za djecu i mlade sa invaliditetom,
- prava roditelja/njegovatelja,
- prava čžr-a u obimu utvrđenim po Federalnom zakonu o socijalnoj zaštiti,

Izvještaj o radu JU Centra za socijalni rad Vareš za 2025. godinu

- prava neratnih invalida utvrđena po Zakonu o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“ br. 36/99, 54/04, 39/06, 14/09, 45/16, 40/18 i 16/23).

Novčana i druga materijalna pomoć

Novčana i druga materijalna pomoć se sastoji od:

- Stalne novčane pomoći,
- jednokratne i privremene pomoći, i
- izuzetne novčane pomoći.

Stalna novčana pomoć

Zakonom o socijalnoj zaštiti ZDK definisano je da stalnu novčanu pomoć ostvaruju osobe koje su nesposobne za rad i privređivanje, koji nemaju dovoljno prihoda za izdržavanje i nemaju srodnika koji su po zakonu dužni da ih izdržavaju ili ako ih imaju da ta lica nisu u mogućnosti da izvršavaju svoju obavezu.

Visina stalne novčane pomoći, utvrđuje se za jednočlano i dvočlano domaćinstvo u iznosu od 17% prosječne plaće kantona, koji se za svakog sljedećeg člana domaćinstva uvećava za 10%, s tim da ukupna visina stalne novčane pomoći ne može biti veća od 23% prosječne plaće kantona.

Finansiranje ovog oblika zaštite vrši se iz budžeta kantona u iznosu 60% priznate naknade, a 40% iz budžeta Općine.

U izvještajnom period ova prava ostvarivala su 24 korisnika od kojeg broja je 5 novoevidentirana odnosno isti su ostvarili navedeno pravo u 2025. godini. Kao i prethodnih godina a u skladu sa Instrukcijom nadležnog kantonalnog Ministarstva izvršena je redovna revizija svih korisnika prava koja podrazumjeva prikupljanje dokumentacije i utvrđivanje imovinskog i prihodovnog stanja korisnika. Mjesečna naknada po korisniku u 2025. godini iznosila je 201,28 KM.

Uz obračun i isplate pripadajućih naknada za korisnike SNP, osigurani su i dodatni oblici zaštite, subvencije troškova komunalnih usluga, uključivanje u javnu kuhinju, te subvencioniranje dijela troškova električne energije.

Jednokratne, privremene i izuzetne novčane pomoći

Jednokratne, privremene i izuzetne novčane pomoći, također su definisane zakonom o socijalnoj zaštiti i radi se o pravu kojim se obezbjeđuje novčana intervencija za porodice i pojedince koji se nađu u stanju socijalne potrebe. Imajući u vidu visoke životne troškove, minimalne prihode porodica sve je veći broj građana kod kojih je prisutna potreba za ovim vidom socijalne zaštite. Jednokratne novčane pomoći dodjeljivane su osobama koje su se našle u različitim stanjima socijalne potrebe kao što su bolest, liječenje, zadovoljavanje osnovnih životnih potreba i sl., te im je u tom stanju bila neophodna pomoć ovog Centra u prevazilaženju novonastalog stanja.

Ovaj oblik zaštite dijelom se finansira iz budžeta kantona - Odlukom Vlade kantona koja se donosi godišnje i sredstava Centra predviđenih i planiranih za ovu vrstu pomoći. U izvještajnom periodu navedeno pravo je ostvarilo ukupno 128 lica te su istima rješenjem Centra utvrđivane novčane naknade u visini od 100,00 – 200,00 KM zavisno od potrebe samih korisnika kao i raspoloživih sredstava Centra.

Privremene i izuzetne novčane pomoći u izvještajnom periodu nisu isplaćivane.

Subvencija vozne karte na relaciji Vareš-Zenica-Vareš

U izvještajnom periodu za lica u stanju socijalne potrebe putem Centra izdato je 160. povratnih vozničkih karata na relaciji Vareš-Zenica a radi odlaska u KB Zenica zbog liječenja ili dijagnostičke

Izveštaj o radu JU Centra za socijalni rad Vareš za 2025. godinu

obrade. Refundaciju voznih karata prema autoprevozniku Ljaljić tours vrši direktno Općina Vareš. Cijena povratne karte na pomenutoj relaciji u protekloj godini iznosila je 30,00 KM, tako da su za ovu namjenu od strane Općine izdvojena sredstva u visini od 4800,00 KM.

Hraniteljstvo i usvojenje

Hraniteljstvo je poseban oblik zaštite djece i omladine lišene roditeljskog staranja. Ovom obliku zaštite daje se poseban značaj, a u stručnim krugovima se smatra jednim od najboljih instituta zaštite djece bez roditeljskog staranja.

U izvještajnom periodu nije bilo hranjenika sa području naše općine, niti porodica zainteresiranih i educiranih za vršenje hraniteljstva, dok su od strane drugih porodica iz šireg okruženja zaprimani zahtjevi za smještaj u hraniteljsku porodicu.

Kada je u pitanju usvojenje kao i u predhodnom periodu Centar nije imao na evidencijama djece za usvojenje, dok je zaprimljen veći broj zahtjeva za potpuno usvojenje mlđb. djece.

Institucionalni smještaj

Institucionalni smještaj podrazumjeva smještaj u ustanove socijalne zaštite i isti mogu ostvariti djeca i odrasla lica kojima je potrebna stalna briga i pomoć u zadovoljavanju osnovnih životnih potreba, a ne mogu ih ostvariti u krugu vlastite porodice ili na drugi način, a zavisno prema potrebi smještajnog lica i procjeni Stručnog tima Centra određuje se i tip ustanove. Kada je u pitanju smještaj starih i iznemoglih lica u izvještajnom periodu vršen je smještaj isključivo u domove na području grada Zenice kojima je osnivač nadležno kantonalno Ministarstvo. Smještaj osoba sa intelektualnim i mentalnim poteškoćama vršen je kao i ranije u Ustanove za socijalno zbrinjavanje i zdravstvenu njegu "Drin" Fojnica i Bakovići.

Za smještaj u ustanovu socijalne zaštite potrebna je prvenstveno saglasnost osobe koja se smještava, odnosno staratelja, kao i saglasnost nadležnog kantonalnog Ministarstva. U interesu korisnika smještaj se može izvršiti također i po hitnom postupku što je Centar često koristio u prošloj godini.

Kada je u pitanju zavodski smještaj jednom godišnje vrši se revizija i provjerava opravdanost smještaja na način da se od Stručnog tima Zavoda traži mišljenje prema kojem Stručni tim Centra predlaže dalji smještaj ili prekid smještaja. U postupku revizije rješenjima Centra priznaje se i dalje parvo na smještaj u trajanju od jedne godine dana.

Ustanove u kojima su smještene osobe sa područja općine Vareš putem ovog Centra su:

Red. br.	Ustanova	Korisnika	Finansiranje smještaja vrši se djelimično iz ličnih sredstava smještenih lica ukoliko ih imaju, a ostatak do punog iznosa cijene smještaja snosi nadležno kantonalno Ministarstvo. Cijena smještaja zavisno od ustanove kretala se u rasponu od 55,00 KM do 60,00 KM po danu. Krajem izvještajnog perioda Ustanove za socijalno zbrinjavanje i zdravstvenu njegu povećale su cijene smještaja na 67 KM
1.	Ustanova za socijalno zbrinjavanje i zdravstvenu njegu Bakovići	19	
2.	Ustanova za socijalno zbrinjavanje i zdravstvenu njegu Drin Fojnica	5	
3.	Kuće u zajednici „Sumero“ Zenica	1	
4.	JKU Gerontološki Centar Sarajevo	3	
5.	Dom za stara lica – Zenica	2	
6.	Naš dom Travnik	1	
7.	Ustanova Duga N. Travnik	1	
8.	Dom penzionera -Zenica	12	
9.	Ustanova za zbrinjavanje i njegu starih i iznemoglih lica Ruhama	2	
UKUPNO		46	

Izveštaj o radu JU Centra za socijalni rad Vareš za 2025. godinu

dnevno a na osnovu Odluke Vlade Federacije BiH. Cijene smještaja u ustanovama u stalnom su porastu što bi moglo uticati u velikoj mjeri na smještaj osoba po privatnoj osnovi te je za očekivati da će doći do povećanja broja zahtjeva za smještaj putem JU CSR koji će putem nadležnog ministarstva finansirati razliku smještaja.

U izvještajnom periodu na kraći vremenski period u Ustanovu Ruhama smješteno je 3 lica i Penzionerski Dom sa stacionarom 4 lica. Veći broj smještenih lica je izvršen direktno iz bolnice, a radi se o licima koja nemaju bližih srodnika koji bi vodili brigu o njima nakon otpusta iz bolnice. Pored izravnih smještaja koje je vršio Centar po zakonskoj procedure u izvještajnom periodu aktivno smo pomagali licima prilikom smještaja po komercionalnoj osnovi kojom prilikom smo završavali sve zahtjeve i obezbjedili mjesta te potpisali Ugovor sa ustnovom Gerontološki Centar Sarajevo za tri lica.

Maloljetni prestupnici i punoljetni osuđenici za izvršena krivična djela

Kada su u pitanju maloljetni prestupnici, odnosno mlmb. izvršioi prekršajnih i krivičnih djela u izvještajnom periodu evidentirana je pet mlmb. počinioca prekršajnih djela a radilo se o prekršajima iz oblasti sigurnosti u prometu odnosno upravljanja vozilom bez vozačke dozvole u tri slučaja i dva slučaja nanošenja lakših tjelesnih ozljeda. U svim slučajevima izrečena je mjera Sudski ukor. Aktivnosti Centra u radu sa mlmb. jesu prikupljanje podataka i dostava izvještaja Sudu te prijedlog mjera prema mlmb. počiniocima prekršajnih i krivičnih djela.

Kada su u pitanju punoljetne osobe odnosno osuđeni učinioci krivičnih djela koji su osuđeni na izdržavanje zatvorske kazne u izvještajnom periodu obrađena su dva predmeta o izdržavanju kazne u kućnim uvjetima sa elektronskim nadzorom, gdje je od strane Suda jedan zahtjev odobren i izvršen dok je drugi odbijen zbog neispunjavanja tehničkih uvjeta te je osoba upućena na izdržavanje kazne zatvora.

Starateljstvo

Maloljetnim osobama bez roditeljskog staranja kao i punoljetnim osobama kojima je oduzeta poslovna sposobnost i koji nisu u mogućnosti starati se o svojim pravima i interesima putem starateljstva se pruža posebna zaštita u skladu sa zakonom.

Mjere koje se poduzimaju svake godine u ovoj oblasti su:

- vođenje upravnog postupka za osobe koje se stavljaju pod starateljstvo i određivanje staratelja,
- postavljanje staratelja osobama nepoznatog mjesta boravka,
- provođenje postupka odobrenja, otuđenja i opterećenja imovine šticeenika,
- saradnja sa sudskim tijelima, ustanovama za smještaj i izdržavanje i dr.,
- poduzimanje drugih mjera koje su u neposrednoj vezi sa zaštitom prava i interesa šticeenika,
- u cilju kvalitetnije i bolje zaštite osoba pod starateljstvom, čuvanje i upravljanje njihovom imovinom, te brige o njihovim pravima i interesima, redovno se traži od svih staratelja da podnesu izvještaj o svom radu u skladu sa zakonskim obvezama,
- vršenje popisa imovine osoba pod starateljstvom,
- pokretanje postupka prodaje imovine iz ugovora o doživotnom izdržavanju nakon smrti šticeenika.

Saratelj je dužan podnijeti organu starateljstva izvještaj o svome radu i stanju šticeenikove imovine svake godine, kao i kada to zatraži organ starateljstva. Pored kontrole rada staratelja prihvatanjem izvještaja o njegovom radu, organ starateljstva dužan je povremeno, ličnim uvidom, kontrolisati kako staralac vrši dužnosti prema šticeeniku. Postupak starateljstva pokreće se i vodi prema pravilima propisanim Porodičnim zakonom i Zakonom o upravnom postupku. Službena evidencija korisnika starateljstva vodi se kroz knjige evidencije.

U izvještajnom periodu za 48 osoba koje su zbog bolesti nesposobne za samostalan život i rad određen je staratelj u posebnim slučajevima. Starateljstva nad punoljetnom osobom kojoj je oduzeta

Izvještaj o radu JU Centra za socijalni rad Vareš za 2025. godinu

poslovna sposobnost u izvještajnom periodu nije bilo, ali je za jednu osobu imenovan novi staratelj. U izvještajnom periodu bilo je 27 predmeta u kojima je prestalo starateljstvo u posebnim slučajevima i 2 predmeta prestanka starateljstva nad osobama kojima je oduzeta poslovna sposobnost.

Uposlenici Centra po službenoj dužnosti nad 29 osoba vrše potpuno starateljstvo ili starateljstvo u posebnim slučajevima. Imenik osoba pod starateljstvom u 2025. godini zaključen je rednim bojem 541, a glavna starateljska knjiga rednim brojem 22. Ukupan broj aktivnih predmeta u imeniku osoba pod starateljstvom u tekućoj godini je 290.

Ukupan broj punoljetnih osoba kojima je oduzeta poslovna sposobnost i koji su stavljani pod starateljstvo je 8, a 6 njih se nalazi u ustanovama na smještaju.

- Zaštita braka i porodice

Centar za socijalni rad kao organ starateljstva ima veoma odgovornu ulogu i kao prioritet u svom radu pruža višestruku pomoć u zaštiti porodice sa djecom, kao osnovnoj ćeliji društva. Poslovi povjereni Zakonom, a koje ovaj Centar obavlja jeste pružanje svih vidova zaštite porodici što podrazumjeva i stručni i savjetodavni rad kako u porodici, tako i u prostorijama Centra. S ciljem zaštite porodice, a poštujući interes mldb. djece kontinuirano se radi kako bi se porodica sačuvala, odnosno kako bi se poremećeni porodični odnosi riješili u najboljem interesu svih njenih članova, a prije svega u najboljem interesu mldb. djece.

Ovakvi problemi zahtjevaju više individualnog rada, a veoma važan segment je princip čuvanja profesionalne tajne. U prostorijama Centra veoma često se vrše razgovori sa porodicama u kojima su prisutni poremećeni porodični odnosi, kako među supružnicima, tako i sa djecom u vršenju zakonske obaveze brige o roditeljima. Razgovori se vrše po osnovu zahtjeva stranaka, po pozivima Centra kao i prijavama drugih nadležnih institucija i pojedinaca.

U izvještajnom periodu Centar je bio uključen u 15 predmeta, gdje su evidentirani različiti porodični problemi, gdje stručno osoblje Centra pokušava pomoći partnerima u prevazilaženju nastalih problema. Zbog teško poremećenih odnosa među supružnicima i bivšim supružnicima koji često nisu u mogućnosti da se dogovore oko najsitnijih detalja, u svemu se traži mišljenje socijalnog radnika, te se često posreduje između partnera koji ne mogu samostalno pronaći rješenje i dogovor. Zbog zaštite djeteta i najboljeg njegovog interesa posreduje se između partnera koji često zanemaruju interese mldb. djece zbog svojih vlastitih interesa. Nerijetko kod komplikovanih slučajeva, a zbog najboljeg interesa mldb. djece angažujemo psihologa, koji također radi sa bračnim partnerima i sa mldb. djecom.

U izvještajnom periodu primjećen je porast broja djece koja žele živjeti sa drugim roditeljem, kada su roditelji razdvojeni, baz obzira što drugi roditelj nema uslove ili ne želi prihvatiti brigu o djetetu. Ovakvi slučajevi također zahtjevaju mnogo savjetodavnog i stručnog rada sa djecom i roditeljima.

U skladu sa Porodičnim zakonom Centar daje saglasnost roditeljima za povjeru djece na čuvanje i odgoj drugoj osobi, kada su roditelji spriječeni redovno se brinuti o djeci, data je jedna saglasnost u izvještajnom periodu. Također, u skladu sa Porodičnim zakonom izriču se mjere upozorenja i nadzora nad ostvarivanjem roditeljskog staranja, te se pravi program praćenja aktivnosti u provođenju nadzora nad ostvarivanjem roditeljskog staranja, izrečena je jedna mjera nadzora u izvještajnom periodu.

Zbog teško i trajno poremećenih porodičnih odnosa u protekloj godini učestvovali smo u 3 postupaka razvoda braka, 2 postupka izmjene sudske presude, 3 postupka povjeravanja mldb. djece iz vanbračne zajednice i 2 postupaka utvrđivanja očinstva. Za sve navedene predmete dobili smo sudske presude kako bi mogli voditi evidenciju. U postupcima koji se vode kod Suda potrebno je sačiniti socio-anamnestičke podatke za stranke, ispitati podatke o ličnim i porodičnim prilikama djeteta i stranaka u postupku, te imovinske prilike stranaka, a naročito da li prikazani prihodi odgovaraju stvarnom stanju. Takvi podaci dostavljaju se nadležnom sudu, a dužni smo odazvati se pozivu suda i učestvovati u sudskom postupku.

Službena evidencija nakon razvoda braka vodi se kroz knjigu evidencije o sudskim odlukama i sporazumima o izdržavanju djece i roditelja. U većini slučajeva i nakon razvoda braka partneri imaju međusobnih nesuglasnica i nepoštivanja sudskih odluka kada je u pitanju izdržavanje djece, viđanje i kontaktiranje mlđb. djece sa roditeljem sa kojim ne žive, te je Centar nadležan i uključen u rješavanje navedenih problema sve do punoljetsva djece.

Nasilje u porodici

Nasilje podrazumjeva svaki čin protiv volje pojedinca koji ugrožava lični integritet bilo da se radi o fizičkom, psihičkom, seksulanom ili ekonomskom nasilju. Nasilje u porodici je prisutan problem u svim društvenim zajednicama. Najčešći oblici nasilja u porodici jesu fizičko nasilje, emocionalno i ekonomsko nasilje. Zakon o zaštiti od nasilja u porodici i nasilja prema ženama je u stalnim izmjenama te se može reći da je došlo do određenog napretka u rješavanju ove problematike i pooštavanju mjera, tako da je svaki prijavljeni slučaj završen sudskim postupkom. U izvještajnom periodu Sud je po hitnom postupku donio 8 rješenja sa izrečenim zaštitnim mjerama, a radilo se o mjerama udaljenje iz kuće/stana, mjere zabrane prilaska i približavanja, zabrane uhođenja i uznemiravanja. U četiri slučaja izrečena je i mjera zbrana prilaska djeci i komunikacija sa djecom. Broj štićenih osoba u izvještajnom periodu je iznosio 17 od čega osmero djece a zabrane su izricane u trajanju od 2 mjeseca pa najduže do 6 mjeseci. Centar vrši praćenje žrtava nasilja te izvještava Sud o provođenju izrečenih mjera.

U izvještajnom periodu od strane kantonalnog tužiteljstva podignute su dvije optužnice protiv nasilnih osoba zbog počinjenih krivičnih djela Nasilja u porodici.

Imajući u vidu navedeno možemo reći da je na području naše općine kao i šire nasilje u porodici te rodnozasnovano nasilje sve prisutniji problem i da je potrebna reakcija cijele zajednice kako bi se preventivnim djelovanjem smanjio broj žrtava nasilja. Posebno je potrebno raditi na razvijanju multisektorske saradnje kako bi se blagovremno prepoznao i počinioc nasilja i otkrila žrtva nasilja prije neželjenih posljedica.

Posredovanje

JU CSR Vareš aktom broj: 05-35/18-900/14 od 23.04.2014. godine ovlašten je za poslove posredovanja. Dana 31.01.2025. godine stupio je na snagu novi Pravilnik o uslovima koje mora ispuniti fizičko i pravno lice ovlašteno za posredovanje između bračnih partnera prije pokretanja postupka za razvod braka kojim smo bili dužni obnoviti zahtjev, odnosno prijaviti se na javni poziv za izbor ovlaštenih posrednika u roku od godinu dana. Obzirom da je po Pravilniku jedan od uslova redovna uplata doprinosa i raspolaganje odgovarajućim prostorom koji obuhvata prostoriju za rad sa bračnim partnerima, čekaonicu i zaseban sanitarni čvor, više nemamo uslove za obavljanje poslova posredovanja.

Prije pokretanja postupka za razvoda braka bračni partner ili oba bračna partnera koji imaju djecu nad kojom ostvaruju roditeljsko staranje dužni su podnijeti zahtjev za posredovanje fizičkom i pravnom licu ovlaštenom za posredovanje. Ukoliko se posredovanjem bračni partneri ne izmire u postupku posredovanja nastoji se postići dogovor između supružnika o tome s kim će dijete ili djeca živjeti i kome će se povjeriti, o visini doprinosa za izdržavanje, o održavanju neposrednih kontakata djeteta sa roditeljem sa kojim ne živi, kao i ostalim sadržajima roditeljskog staranja.

U toku 2025. godine u našem Centru urađeno je 3 Zapisnika o posredovanju prije pokretanja postupka za razvod braka. Tokom postupka posredovanja prije pokretanja postupka za razvod braka sva tri bračna partnera dogovorili su se o sporazumnom razvodu braka. Ukoliko se bračni partneri sporazumno razvedu naša uloga je vođenje redovne evidencije i povremeno nadziranje. Kada se bračni partneri ne mogu dogovoriti oko povjere mlđb. djece, izdržavanja mlđb. djece i viđanja i

kontaktiranja sa roditeljem sa kojim mldb. djeca ne žive, organ starateljstva je dužan donijeti privremeno rješenje o naprijed navedenim pravima i obavezama roditelja i djece. Ovakvi poslovi zahtijevaju svakodnevno savjetovanje bračnih partnera, nadziranje itd., a nerijetko i nakon pravosnažne sudske presude rad sa porodicom, savjetovanje i nadziranje. Poslovi posredovanja se ne naplaćuju od devetog mjeseca 2024. godine, a radi se samo za područje općine Vareš.

U većini slučajeva razvoda braka kao prvi i najizraženiji faktor koji utiče na razvod braka jesu različite naravi i karakteri supružnika, različiti pogledi na život, brak i porodicu. Kao drugi učestali faktor razvoda jeste preljuba, te porodično nasilje koje je povećano u posljednjem periodu i češći razlog za pokretanje postupka posredovanja. Iako neke porodice žive bez dovoljno sredstava za izdržavanje, materijalna neobezbjeđenost i finansijska kriza nisu razlog zbog kojeg se supružnici odlučuju za razvod braka, te takvih slučajeva ima najmanje.

OBLICI SOCIJALNE ZAŠTITE KOJI SE FINANSIRAJU IZ BUDŽETA KANTONA / FEDERACIJE

Dječiji dodatak

Pravo na dječiji dodatak u skladu sa Zakonom o materijalnoj podršci porodicama s djecom u Federaciji Bosne i Hercegovine ("Službene novine Federacije BiH", broj: 52/22 i 8/24) ostvaruju djeca do navršene 18 godine života i čiji ukupni mjesečni prihodi po članu zajedničkog domaćinstva ne prelaze 40% (četrdeset posto) najniže plaće u Federaciji utvrđene u skladu s odredbama Zakona o radu. Isplata dječijeg dodatka vrši se direktno od strane Federalnog ministarstva finansija na račune korisnika, a po prethodnim trebovanjima Centra za socijalni rad. Visina dječijeg dodatka iznosi 19% najniže plaće u FBiH odnosno 190,00 KM. Povećanjem minimalne plate 01.01.2025. godine došlo je do povećanja broja korisnika te je u izvještajnom periodu pravo na dječiji dodatak ostvarivalo ukupno 218 djece. Pravo na dječiji dodatak priznaje se rješenjem do 18. godine života djeteta a jednom godišnje vrši se revizija prava i utvrđivanje uvjeta za dalje ostvarivanje prava što se konstatuje službenom zabilješkom. Shodno tome u 2025. Godini izvršena je revizija svih korisnika prava a sve je urađeno po službenoj dužnosti bez obaveze dolaska zakonskih staratelja. U 12 predmeta utvrđen je preuzetak prava tako da su zakonski staratelji obavezani rješenjima ovog Centra za povrat novčanih naknada na koje nisu imali pravo. U pripremi su i izmjene Zakona u smislu uvođenja kvaziuniverzalnog dječijeg dodatka prema kojem bi svako dijete imalo pravo na dječiji dodatak do sedme godine života bez obzira na prihodovne uvjete.

Prava roditelja njegovatelja

Roditeljem njegovateljem smatra se roditelj djeteta sa 100% utvrđenim invaliditetom uzrokovanog bolešću ili poremećajem u razvoju, kao i slijepog lica čiji je ostatak vida na oba oka ispod 0,05 s korekcijom, odnosno roditelj lica koje se, prema nalazu Instituta za medicinsko vještačenje zdravstvenog stanja, ne može osposobiti za samostalan život niti može samostalno zadovoljavati barem jednu od sljedećih osnovnih životnih potreba:

- a) kretanje u stanu i izvan stana;
- b) uzimanje hrane;
- c) oblačenje i svlačenje;
- d) održavanje lične higijene ili
- e) obavljanje drugih fizioloških potreba.

Roditelju njegovatelju priznaje se pravo na mjesečnu naknadu u visini iznosa neto najniže plaće u Federaciji Bosne i Hercegovine u skladu sa Zakonom o radu ("Službene novine Federacije BiH", br. 26/16 i 89/18), na koju se uplaćuju doprinosi za penzijsko i invalidsko osiguranje, zdravstveno osiguranje i osiguranje za vrijeme nezaposlenosti. Ovo pravo u izvještajnom periodu ostvarivalo je 6 roditelja njegovatelja i nalazili su se na redovnim

Izvještaj o radu JU Centra za socijalni rad Vareš za 2025. godinu

mjesečnim isplatama koje vrši JU CSR Vareš. Zaključno sa 31.12.2025. godine pravo na naknadu je prestalo za dva lica. Jedno lice zbog ispunjavanja uvjeta za penzionisanje a drugo zbog smrti njegovatelja.

Dodatak za djecu i mlade sa invaliditetom

Dodatak za djecu i mlade sa invaliditetom podrazumijeva novčano primanje koje pripada djeci i mladima sa invaliditetom, s ciljem pružanja pomoći porodici u izdržavanju i odgoju djece. Pravo na dodatak u skladu sa Zkonom o socijalnoj zaštiti Ze-Do kantona mogu ostvariti djeca ili mladi sa utvrđenim procentom invaliditeta od 60% do 100% dok se nalaze na redovnom školovanju, a najduže do navršene 27. godine života ako im je nalazom nadležne ustanove utvrđena nesposobnost za samostalan rad i privređivanje. U izvještajnom period ovo pravo ostvarilo je dva korisnika a novčana naknada na mjesečnom nivou iznosila je 83,09 KM.

Naknada umjesto plaće ženi majci u radnom odnosu

Naknada umjesto plaće ženi-majci u radnom odnosu za vrijeme dok odsustvuje sa posla radi trudnoće, porođaja i njege djeteta isplaćuje se za vrijeme korištenja porodijskog odsustva, u skladu sa propisom o radu. Naknadu plaće ostvaruje žena-majka koja ima prebivalište na području Kantona u periodu od 6 mjeseci prije podnošenja zahtjeva ili žena-majka čiji poslodavac ima sjedište na području Kantona pod uslovom da ovo pravo nije regulisano prema mjestu prebivališta porodilje i da isto pravo ne koristi po nekom drugom propisu. Naknada plaće utvrđuje se u visini od 1.000,00 KM mjesečno za vrijeme trajanja porodijskog odsustva. Obračun i isplatu naknade i doprinosa vrši poslodavac a putem Centra za socijalni rad vrši refundaciju troškova isplaćene naknade.

U izvještajnom period ovo pravo ostvarivalo je ukupno 7 porodilja iz radnog odnosa. Po podnešenom zahtjevu od strane poslodavca centar je vršio trebovanje i refundaciju troškova.

Novčana pomoć ženi majci koja nije u radnom odnosu

Zakonom o socijalnoj zaštiti Ze-Do kantona predviđena je novčana pomoć ženi – majci koja nije u radnom odnosu u visini od 1000,00 KM, a najduže 12 mjeseci od dana rođenja djeteta. Navedenu novčanu pomoć ostvaruje žena-majka koja ima prebivalište na području kantona u period od 6 mjeseci prije podnošenja zahtjeva, ukoliko je prijavljena na evidenciji nadležne službe za zapošljavanje ili se nalazi na redovnom školovanju, odnosno ukoliko se na evidenciji Porezne uprave ne vodi kao zaposleno lice.

U izvještajnom periodu ovo pravo ostvarilo je ukupno 9 porodilja.

Zdravstvena zaštita

Na osnovu Kantonalnog zakona o socijalnoj zaštiti i Zakona o zdravstvenom osiguranju utvrđeno je pravo na zdravstveno osiguranje i ostvarivanje osnovne zdravstvene zaštite određenih kategorija lica, koja nisu zdravstveno osigurana po nekom drugom osnovu. Ukupan broj osoba koje su zdravstveno osigurane putem našeg Centra na kraju godine je 93. Osobe koje ostvaruju pravo na zdravstvenu zaštitu putem ovog Centra razvrstane prema kategorijama su:

1. korisnici prava na stalnu novčanu pomoć - (7 korisnika),
2. lica starija od 65 godine muškarci, odnosno 60 godina žene - (40 korisnika),
3. civilne žrtve rata - (1 korisnik),
4. dijete od rođenja do polaska u osnovnu školu, ako nije zdravstveno osigurano kao član porodice osiguranika – (5 korisnika)
5. osobe smještene u ustanove socijalne zaštite i lica koje je u postupku smještaja (8 korisnika),

6. lice koje je žrtva porodičnog nasilja ili nasilja u zajednici – (0 korisnika)
7. nezaposlena samohrana majka-porodilja za vrijeme trudnoće, porođaja i do uzrasta djeteta do godinu dana – (0 korisnika),
8. lice sa invaliditetom i lice ometeno u psihičkom ili fizičkom razvoju u smislu člana 13. Kantonalnog zakona - (32 korisnika), i
9. dijete i odraslo lice smješteno u hraniteljsku porodicu – (0 korisnika)

Ukupan broj objavljenih korisnika zdravstvene zaštite u izvještajnom periodu je 11, a broj prijavljenih korisnika u izvještajnom periodu je 9. Povećan je broj korisnika starijih od 65. godina života koji su se vodili na evidenciji Biro-a za zapošljavanje, te preko istog i ostvarivali pravo na zdravstveno osiguranje, a nemaju uslove za ostvarivanje prava na penziju.

Službena evidencija korisnika zdravstvene zaštite vodi se kroz knjige evidencije i kroz baze, a JU CSR Vareš dostavlja mjesečne izvještaje nadležnom kantonalnom Ministarstvu.

Povrat novčanih sredstava uplaćenih za medicinsko vještačenje

Uputstvom kantonalnog ministarstva određeno je da pravo na povrat sredstava za troškove m/v imaju lica kod kojih je utvrđen invaliditet u iznosu 90 i 100% tjelesnog oštećenja i tuđa njega i pomoć, a koji su u momentu ocjene imali više od 65. godina života (kumulativno ispunjena sva tri uslova). Pravo na povrat sredstava po navedenom Uputstvu u izvještajnom periodu je ostvarilo 31 lice za koje je na osnovu podnešenih zahtjeva izvršen obračun i trebovanje kod nadležnog kantonalnog ministarstva.

OBLICI SOCIJALNE ZAŠTITE KOJI SE FINANSIRAJU NEPOSREDNO IZ BUDŽETA FEDERACIJE

Civilne žrtve rata

U skladu sa Federalnim i Kantonalnim zakonom o socijalnoj zaštiti, zaštiti civilnih žrtava rata i zaštiti porodice sa djecom Centar obavlja upravno – pravne poslove, vođenje upravnog postupka oko ostvarivanja prava na materijalnu pomoć civilnim žrtvama rata. Pored vođenja postupka Centar vrši obračun za isplatu materijalnih i drugih pomoći civilnim žrtvama rata. Mjere koje se poduzimaju svake godine su uvođenje u pravo novih podnositelja zahtjeva civilnih žrtava rata i članova njihove porodice, revizija svih korisnika i članova porodice civilnih žrtava rata.

Tokom 2025. prekinuto je pravo za četiri civilne žrtve rata, zbog smrti, i to jedna porodična invalidnina, jedna lična invalidnina i dvije posebne kategorije civilnih žrtava rata.

Civilne žrtve rata ostvaruju novčanu naknadu neposredno putem ovog Centra iz sredstava budžeta federacije, odakle se finansira pripadajući dio od (70%) prava civilnih žrtava rata, dok pripadajući dio od 30% se finansira neposredno iz budžeta Kantona.

Ukupan broj civilnih žrtava rata na kraju izvještajnog perioda bio je 32. Korisnici ostvaruju naknadu po osnovu priznatog prava na:

- Ličnu invalidninu (9 korisnika),
- Porodičnu invalidninu (10 korisnika), i
- Posebna kategorija CŽR (13 korisnika).

Novo pravo u skladu sa Kantonalnim zakonom je pravo na pokriće troškova dženaze/sahrane po osnovu smrti civilne žrtve rata i člana uže porodice civilne žrtve rata, a pravo ostvaruje fizičko i pravno lice koje isplati troškove dženaze/sahrane civilne žrtve rata ili člana uže porodice civilne žrtve rata.

Lica sa invaliditetom

U izvještajnom periodu došlo je do donošenja Zakona o jedinstvenim načelima i okviru materijalne podrške licima sa invaliditetom u Federaciji Bosne i Hercegovine („Službene novine Federacije BiH“ br. 13/25), odnosno prestanka odredaba koji su ranijim Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“ br. 36/99, 54/04, 39/06, 14 /09, 40/18 i 16/23) koji su regulisali ovu oblast socijalne zaštite. U novom Zakonu promijenjen je način obračuna osnovice za utvrđivanje prava i isti se sada veže i usklađuje sa osnovicom o propisima o pravima boraca i članova njihovih porodica, u ostalom dijelu uglavnom nije bilo nekih bitnijih izmjena.

Uslovi za ostvarivanje prava su i dalje da je licu Nalazom Instituta za medicinsko vještačenje utvrđena invalidnost 90 ili 100% i da lice nije korisnik traženih prava po drugim propisima (PiO, CZR-a, BiZ i sl), odnosno da invalidnost nije posljedica povrede na radu ili ratnih dešavanja.

Imajući u vidu navedene izmjene trenutne novčane naknade za priznata prava su isplaćivana u sljedećim iznosima:

- 100% utvrđena invalidnost 234,26 KM;
- 90% utvrđena invalidnost 175,69 KM;
- I grupa tuđe njege i pomoći 585,64 KM;
- II grupa tuđe njege i pomoći 292,82 KM; i
- ortopedski dodatak 40,99 KM.
- maksimalan iznos koji lice sa invaliditetom može ostvariti je 860,89 KM mjesečno.

Doznaka novčanih sredstava se vrši iz federalnog budžeta direktno na račune korisnika putem baze SOTAC i e-Award preko kojih se inače rade svi poslovi vezani za provođenje navedenog prava (priznavanje, evidencije, obustave isplata i sl.), a koja je jedinstvena na području cijele F BiH.

Zakonom je propisano da troškovi postupka u prvom stepenu padaju na teret podnosioca zahtjeva, a visina troškova pregleda je usluga medicinskog vještačenja u iznosu od 102,96 KM za pregled na Institutu i 154,44 KM za obavljanje kućne posjete, odnosno 122,85 KM ili 184,27 KM za medicinsko vještačenje u drugostepenom postupku. Obzirom da sam postupak podnošenja zahtjeva i procjene invaliditeta stvara dodatne troškove prema korisnicima, da se relativno dugo čeka na ocjenu nakon podnešenog zahtjeva i sl., Centar izlazi u susret istim i službeno završava kompletira i šalje zahtjeve za stranke prema Institutu, koordinira sa predstavnicima Instituta i pruža im podršku prilikom obavljanja kućnih posjeta i sl.

U izvještajnom periodu za lica koja su bila nezadovoljna prvostepenom procjenom Instituta urađeno je i kompletirano 12. žalbi, također rađeni su zahtjevi za povrat uplaćenog novca zbog smrti, kao i izjašnjenja i sl., a sve u korist naših stranaka, isti su proslijeđeni relevantnim institucijama

Zaključno sa 31.12.2025. godine pravo u ovom Centru ostvaruje 337.korisnika. U izvještajnom periodu u pravo je uvedeno 52. novih korisnika, 10. zahtjeva je odbijeno zbog neispunjavanja osnovnih uvjeta, dok je za 46. korisnika prestalo pravo zbog smrti ili drugih okolnosti.

Ukupno isplaćena sredstva u 2025. godini za ovaj oblik zaštite iznose 1.958.894,41KM.

VOĐENJE EVIDENCIJE KORISNIKA

O svim ostvarenim pravima korisnika vode se propisane evidencije i to za sva federalna i kantonalna prava putem jedinstvene baze podataka eAWARD na nivou Federacije BiH. Pomenuta baza u izvještajnom period zamjenila je bazu SOTAC iz razloga olakšanog i zaštićenog pristupa podacima te znatno unapređenje u pregledu izvještaja i isplata. Kroz pomenutu bazu se svakodnevno ažuriraju

Izveštaj o radu JU Centra za socijalni rad Vareš za 2025. godinu

podaci, vrše trebovanja, kao i isplate prema korisnicima. U Centru pored navedenih evidencija postoje i Zakonom propisane knjige evidencija za određene kategorije korisnika (usvojenje, izdržavanje, nasilje u porodici, kategorizacija, starateljstvo, mlđb. počinioci krivičnih djela, porodična problematika i sl.).

Također sve isplaćene gotovinske naknade korisnicima koje ne podliježu porezima i doprinosima unose se u jedinstveni registar. Registar obuhvata sva socijalna davanja i isti se održava i dopunjava podacima od strane svih institucija koje vrše isplate na području cijele Federacije (Ministarstva, Općine, Centri).

Pored navedenih Centar koristi i vodi vlastite baze podataka o svim korisnicima prava.

Ostali poslovi i radni zadaci

U toku 2025. godine su obavljani i sljedeći poslovi:

- izrada izvještaja o radu za potrebe Upravnog odbora Centra, koji su sa zapisnikom sa Upravnog odbora redovno prosljeđivani općinskom Načelniku i Pomoćniku načelnika za društvene djelatnosti;
- obračuni, isplate, izvještaji, kao i trebovanja novčanih sredstva za oblike zaštite koje finansira nadležno kantonalno i federalno ministarstvo;
- saradnja i kontaktiranje sa fizičkim i pravnim licima na području Općine i Kantona pri rješavanju socijalno statusnih problema korisnika socijalne zaštite;
- saradnja sa humanitarnim NVO i aktivno učešće u planiranim aktivnostima;
- obračun i isplata novčanih primanja zaposlenih u Centru;
- prikupljanje dokumentacije o korisnicima socijalne zaštite radi ostvarivanja određenih prava, odnosno kompletiranja dokumentacije;
- unos podataka u jedinstveni registar korisnika;
- izrada anamnestičkih podataka;
- upućivanje zahtjeva pravnim i fizičkim licima za ostvarivanje pojedinih prava licima u stanju socijalne potrebe;
- izrada spiskova korisnika socijalne zaštite;
- posjete porodicama i identifikacija korisnika;
- rad na projektnim aktivnostima;
- mjesečni, tromjesečni i godišnji izvještaji o korisnicima i oblicima socijalne zaštite na području općine Vareš, koji su dostavljani Službi za statistiku u nadležnom kantonalnom Ministarstvu;
- godišnji statistički izvještaji o broju i kretanju korisnika socijalne zaštite, izvještaji o zaposlenim koji su prosljeđivani Službi za statistiku Ze-DO kantona;
- mjesečni, godišnji i drugi izvještaji prema Poreskoj upravi za zaposlenike i isplate naknada plaća ženi-majci u radnom odnosu;
- izvještaji prema Federalnom Ministarstvu rada i socijalne politike o korisnicima, pravima, kadrovskoj strukturi, isplatama, korisnicima sa inetelektualnim smetnjama i provođenju presude evropskog Suda za ljudska prava u predmetu Hadžimejlić i dr. ;
- vođenje administrativnih poslova u Centru, poslovi knjigovodstva i blagajničke poslove, prijem i otprema pošte, prijem i rad sa strankama i dr.;
- prijem i otprema dokumenata putem službenog e-maila Centra: zastita@bih.net.ba.

Prilikom obavljanja poslova i radnih zadataka ostvarena je saradnja sa: Općinom, općinskim Načelnikom i općinskim službama u Varešu, nadležnim kantonalnim Ministarstvom i Federalnim Ministarstvom za rad i socijalnu plitiku, Ministarstvom za ljudska prava, Institut za medicinsko vještačenje Sarajevo i Zenica, Općinskim sudom u Visokom Zenica, Sarajevo, PU Vareš, Kantonalnim zavodom za pravnu pomoć Zenica, Domom zdravlja u Varešu, Srednjom i osnovnim školama u Varešu, KCU Sarajevo – Služba socijalne zaštite, KB Zenica, Ustanovama za socijalno zbrinjavanje i zdravstvenu njegu "Drin" i Bakovići, Ustanovom za socijalno zbrinjavanje, zdravstvenu

Izveštaj o radu JU Centra za socijalni rad Vareš za 2025. godinu

njegu, odgoj i obrazovanje Pazarić, Domovima za stara lica Travnik, Zenica i Sarajevo, Ustanovom socijalne zaštite "Sumero centar za podršku osobama sa invaliditetom u zajednici", Srednjom specijalnom školom u Zenici, Centrom za slijepu i slabovidnu omladinu Sarajevo, Centrom za slušnu i govornu rehabilitaciju Sarajevo, Dom Porodica Zenica, Zavod za borbu protiv bolesti ovisnosti Zenica, "Mala škola" Vareš, DUGA Novi Travnik, Miran san Mostar, Federalni zavod PIO/MIO Mostar, NVO Dobro Sarajevo, Udruženje slijepih i slabovidnih osoba Vareš, Udruženje paraplegičara Sarajevo i Zenica, OSCE ured Zenica, Centri za socijalni rad i službe socijalne zaštite ZE-DO kantona, Sarajeva i dr., i drugim pravnim i fizičkim licima.

Kao i ranijih godina od strane predstavnika nadležnog Ministarstva izvršen je nadzor nad poslovanjem Centra koji se odnosio na vođenje upravnog postupka prilikom priznavanja prava, te trebovanje i isplate novčanih sredstava po priznatim pravima. Uvidom u dokumentaciju i predmete korisnika socijalne zaštite nisu utvrđeni nedostaci u radu i poslovanju Centra.

U izvještajnom period izvršen je inspektorski nadzor od strane FMUP u postupku provođenja upravnog postupka i vanrednog upisa u matične knjige, također nisu utvrđene nepravilnosti u radu.

Edukacija uposlenika

U izvještajnom periodu zaposlenici Centra aktivno su učestvovali na edukacijama i radnim sastancima koji su se odnosili na bitnija područja socijalne zaštite i to edukacijama iz oblasti hraniteljstva, Nasilje u porodici, rad sa maloljetnim licima u sukobu sa Zakonom i dr. organizovanim od strane Društva socijalnih radnika, Centra ženskih prava, općinskog Suda u Visokom.

SARADNJA SA NVO

U cilju poboljšanja uvjeta života najugroženijih kategorija stanovništva Centar je nastavio kontinuiranu saradnju sa nevladinim organizacijama. Zahvaljujući dobroj saradnji ostvarene su donacije za korisnike koje su se ogledale u novčanoj pomoći, naturalnoj pomoći, uređenju stambenih uvjeta i nabavci platenika a saradnja je ostvarena sa NVO Malteser, Alteural, Pomozi ba i dr.

2. FINANSIJSKI DIO IZVJEŠTAJA

Na osnovu člana 50. Pravila JU Centra za socijalni rad Vareš, Centar posluje sa sredstvima koja pribavlja i stiče iz sljedećih izvora: budžeta Općine, budžeta Kantona, budžeta Federacije, od ličnog učešća korisnika usluga, ulaganja domaćih i stranih fizičkih i pravnih lica i donacija i drugih načina u skladu sa Zakonom. Finansiranje oblika socijalne zaštite se obavlja na dva načina i to:

- preko transakcijskog računa Centra i
- direktno na tekuće račune korisnika, odnosno Ustanova.

U nastavku dajemo pregled novčanih sredstava koja su realizovana *direktno* putem transakcijskog računa Centra:

Izveštaj o radu JU Centra za socijalni rad Vareš za 2025. godinu
FINANSIJSKI IZVJEŠTAJ O POSLOVANJU CENTRA ZA 2025. GODINU¹

R.BR.	PRIHODI	PLANIRANO OPĆINSKI BUDŽET	OSTVARENO OPĆINSKI BUDŽET	UKUPNO OSTVARENO (općina,kanton,drugi izvori)
1	PRIHOD IZ BUDŽETA OPĆINE	316422,20	254029,64	254029,64
2	PRIHOD IZ BUDŽETA KANTONA	500525,00	-	328546,28
3	PRIHOD IZ BUDŽETA FEDERACIJE	90000,00	-	112399,04
4	PRIHODI IZ DRUGIH IZVORA (HUM.ORGANIZACIJE,LIČNO UČEŠĆE I SL)	42050,00	-	25352,20
9	STANJE 31.12.2024.GODINE	-	-	427,12
	UKUPNO PRIHODI	948997,20	254029,64	720754,28

	RASHODI	PLANIRANO OPĆINSKI BUDŽET 2025	OSTVARENO OPĆINSKI BUDŽET	UKUPNO OSTVARENO (općina,kanton,dr.)
1.	PLAĆE I DRUGA PRIMANJA ZAPOSLENIH			
1.1	BRUTO PLAĆE	192600,00	181903,34	181903,34
1.2	NAKNADA ZA TOPLI OBROK	21683,20	17818,85	17818,85
1.3	VOZNA KARTA	3388,00	2926,00	2926,00
1.4	REGRES	4900,00	0,00	0,00
1.5	NAKNADA ZA SMRTNI SL.U POR.	0,00	5712,00	5712,00
1.8	OBAV. NA PLAĆE ZA PER 00-07GOD	10000,00	0,00	0,00
	Ukupno	232571,20	208360,19	208360,19
2.	MATERIJALNI TROŠKOVI			
2.1	IZDACI ZA USLUGE BH TELECOMA	2000,00	1131,90	1248,70
2.2	IZDACI ZA EL.ENERGIJU	1000,00	1153,95	1321,46
2.3	IZDACI ZA GRIJANJE	3000,00	300,00	1300,00
2.4	IZD. ZA PREV. PUTNE TR. I GORIVO	1000,00	1179,14	1179,14
2.5	IZDACI ZA REG. I ODRŽ. AUTOMOBILA	3200,00	881,89	1551,48
2.6	NAKNADE ČL. UPRAVNOG ODBORA	2600,00	2164,52	2164,52
2.7	IZDACI ZA ODRŽ. OPR. I KANC.MAT.	3000,00	1340,48	1704,15
2.8	IZDACI ZA KOMUNALNE USLUGE	1200,00	1125,29	1351,90
2.9	STR. OSPOSOB. RADNIKA	1000,00	0,00	0,00
2.10	IZDACI ZA USLUGE BH POŠTE	1200,00	1201,45	1397,92
2.11	IZDACI ZA BANKARSKE USLUGE	2000,00	1159,30	1336,67
2.12	REPREZENTACIJA	1000,00	442,65	442,65
2.13	TROŠKOVI IZRADE ZAV. RN.	400,00	370,00	370,00
3.14	SUDSKI TROŠKOVI,KAMATE, TAXE	2000,00	783,18	783,18
3.15	IZDACI ZA RAD KOMISIJA	1200,00	321,59	321,59
3.16	NABAVKA OPREME	2000,00	0,00	0,00
3.18	OSTALE NEPLANIRANE USLUGE	2500,00	3976,88	3976,88
	Ukupno	30300,00	17532,22	20450,24
3.	SOCIJALNA ZAŠTITA			
3.1	DODATAK ZA DJECU I MLADE	0,00	0,00	1267,28
3.2	NAKNADA RODITELJIMA NJEGOVAT	0,00	0,00	111330,51


¹ Pojednostavljeni prikaz

Izveštaj o radu JU Centra za socijalni rad Vareš za 2025.godinu

3.3	JEDNOKRATNA, NOV. POMOĆ	19200,00	2201,60	19967,00
3.4	PORODILJE U RADNOM ODNOSU	0,00	0,00	20856,48
3.5	PORODILJE U RAD ODNOSU REFUND	0,00	0,00	101970,45
3.6	NEZAPOSLENE PORODILJE	0,00	0,00	148050,59
3.7	STALNA NOVČANA POMOĆ	21951,00	21794,53	54837,83
3.8	STALNA NOVČANA POMOĆ DUG. R.P	10000,00	0,00	0,00
3.9	POVRAT TROŠKOVA ZA M/V	0,00	0,00	4324,32
3.10	TROŠKOVI SAHRANE	2400,00	1600,00	2940,00
3.11	TROŠKOVI SMJEŠTAJA U USTANOVI	0,00	0,00	22507,00
3.12	IZRADA PLASTENIKA MALTEZER	0,00	0,00	2606,00
	Ukupno	53551,00	25596,13	490657,46
	UKUPNO RASHODI	316422,20	251.488,54	719.467,89
	STANJE 31.12.25.	1286,39		

OBRAZLOŽENJE

**BUDŽET OPĆINE 2025
RASHODI**



Planom prihoda i rashoda JU Centra za socijalni rad za 2025.godinu a koja se odnose na sredstva Općinskog budžeta iz kojeg se finansiraju plaće, materijalni troškovi i dio socijalne zaštite planiran je iznos od **316422,20 KM**. Zaključno sa 31.12.2025. godine Centru od strane Općine je transferiran iznos od **254029,64 KM**, odnosno 80,28% od planiranog.

Za plaće i ostala primanja zaposlenih u Centru izdvojeno je **208360,19 KM**. Kompletan iznos je finansiran iz općinskog budžeta. U izvještajnom

periodu je pored osnovnih primanja zaposlenika izvršena i isplata naknade za slučaj smrti u porodici zaposlenika. Izmirenja obaveza nastalih za period 2000-2007.godina nisu realizovana a zaključno sa 31.12.2025.godine isplaćena je neto plaća za 11/25 te porezi i doprinosi za 09/25.


Za materijalne troškove u izvještajnom periodu **ukupno** su utrošena sredstva u visini od **20450,24 KM** od kojih je:

- **iz općinskog budžeta** je utrošeno **17532,22 KM**, i odnose se na: režijske troškove (el.energija,telefon/internet, JKP, poštanskih troškova, dijela troškova grijanja, dijela troškova registracije i održavanja automobila, putne troškove, troškove sjednica Upravnog odbora, sudskih troškova, bankarskih troškova i sl. Također su i finansirani i ugovori o djelu koje je ovaj Centar zaključivao radi angažovanja zaposlenika po ukazanoj potrebi određenih poslova i radnih zadataka koji se nisu mogli obaviti sa trenutnim brojem zaposlenika.
- **iz budžeta Federacije** je finansiran dio materijalnih troškova koji se odnose na troškove nastale prilikom uvođenja u pravo lica koja su ostvarila određena prava po federalnim propisima, bankarskih troškova i troškova održavanja računarske opreme i softvera u ukupnom iznosu od oko 1070 KM a izvještaj o utrošku pomenutih sredstava je dostavljen nadležnom ministarstvu.
- **iz budžeta Kantona** je finansiran dio materijalnih troškova (uglavnom dijela troškova za grijanje i registracije i održavanja automobila) u ukupnom iznosu od oko 1700 KM a izvještaj o utrošku pomenutih sredstava je također dostavljen nadležnom ministarstvu.

Za finansiranje oblika socijalne zaštite koji se finansiraju preko računa Centra, iz kantonalnog i općinskog budžeta i drugih institucija, u izvještajnom periodu ukupno je izdvojeno **490657,46 KM** od kojih je :


- iz sredstava općinskog budžeta izdvojeno **25596,13KM**, i to:
 - o **2201,60 KM** na dodjelu **jednokratnih novčanih pomoći** namijenjenih uglavnom za kupovinu lijekova i liječenja, prehrambenih artikala, plaćanja režijskih troškova, troškova medicinskog vještačenja i sl.;
 - o iznos od **21794,53 KM** je isplaćen za **za stalnu novčanu pomoć** - pripadajući dio 40% koji finansira Općina. U izvještajnom periodu redovno je vršena isplata ovog prava iz općinskog budžeta. U predhodnim godinama nije redovno vršena isplata pripadajućeg stalne novčane pomoći -pripadajućeg dijela 40% koji finansira Općina, tako da ukupno dugovanje prema korisnicima iznose **68597,82 KM**; U izvještajnom periodu nije bilo isplata zaostalih potraživanja za stalnu novčanu pomoć;
 - o Za jednog korisnika stalne novčane pomoći izvršeno je plaćanje troškova sahrane u iznosu od 1600 KM.

UPOREDNI PODACI-OPĆINSKI BUDŽET 2023-2025



- iz budžeta Kantona finansirani su oblici socijalne zaštite u ukupnom iznosu od **328617,82 KM** koji su prikazani u dijagramu. U izvještajnom periodu su od strane Kantona zaključno sa 31.12.2025.godine obavljene isplata za 10. mjesec 2025.godine. ***U izvještajnom periodu u odnosu na predhodnu godinu zabilježen je znatan pad korisnika prava na naknadu plaće ženi-majci u radnom odnosu a koji je posljedica prirodnog priraštaja koji je negativan i u konstantnom je padu, te su i izdvajanja za ovaj oblik socijalne zaštite smanjena u odnosu na protekli period.***

BUDŽET KANTONA 2025 RASHODI



- iz budžeta Federacije finansirano je pravo na naknadu roditeljima njegovateljima u ukupnom iznosu od **111330,51 KM**.
- dio sredstava u iznosu od **25113,00 KM** koji je utrošen za finansiranje socijalne zaštite, finansiran od prihoda ostvarenih iz drugih izvora i to:
 - o humanitarne organizacije Maltezer za za izradu 1.plastenika za našeg korisnika,
 - o za plaćanje troškova smještaja lica u ustanovama socijalne zaštite gdje srodnici štićenika preko Centra vrše plaćanja usluga smještaja,

Izveštaj o radu JU Centra za socijalni rad Vareš za 2025.godinu

Stanje našeg računa-blagajne zaključno sa 31.12.2025.godine je 1286,39 KM, a radi se o namjenskim sredstvima.

Finansiranje koje se obavlja direktno na tekuće račune korisnika, odnosno finansiranje Ustanova za smještaja korisnika, a po donešenim rješenjima u Centru spadaju sljedeća prava:

- Neratne invalidnine, finansirano od strane budžeta F BiH,
- Civilne žrtve rata, finansirano od strane budžeta F BiH i kantonalnog budžeta,
- Dječiji dodatak po Zakonu o materijalnoj podršci porodicama sa djecom,
- smještaj u Ustanove socijalne zaštite finansirano od strane kantonalnog budžeta,
- pravo na zdravstvenu zaštitu, finansirano od strane kantonalnog budžeta,
- humanitarne aktivnosti NVO koje se po provedenim projektima doznaju direktno na račune korisnika, odnosno firmi koje učestvuju u implementaciji.
- Vozne karte za lica u stanju socijalne potrebe, finansirano putem općine Vareš.


Sva pobrojana prava su naprijed detaljno obrazložena sa brojčanim, odnosno finansijskim pokazateljima, te u nastavku dajemo zbirni pregled (finansiranje preko rn.Centra i direktno finansiranje) kako slijedi:

PREGLED UKUPNIH NOVČANIH IZDVAJANJA ZA SOCIJALNU ZAŠTITU U 2025.GODINI


Ostvarena novčana prava korisnika socijalne zaštite putem Centra i neposredno preko tekućih računa korisnika u 2025.godini:

R. BR.	PRIHODI	IZNOS KM	FINANSIRANO
1	BUDŽET OPĆINE	30396,00	jednokratne pomoći, stalna nov.pomoć i vozne karte putem općine Vareš (4800,00 KM) ²
2	BUDŽET KANTONA	785303,00	oblici zaštite po kantonalnom zakonu o soc. zaštiti, 30% dijela fin. prava cžr, smještaj u Ustanove (398549,81 KM)
3	BUDŽET FEDERACIJE	2675074,00	neratni invalidi i 70% dijela finansiranja prava cžr, dd, njegovatelji
4	OSTALI IZVORI FIN.	25113,00	smještaj u ustanove, izrada platenika, .
UKUPNO		3.515.886,00 KM	

IZDVAJANJA ZA SOCIJALNU ZAŠTITU 2025 GODINA




UDIO UKUPNOG FINANSIRANJA 2025 (soc.zaštita, plaće, mat.tr.)



² U izvještajnom periodu je putem Centra izdato 160. povratnih voznih autobuskih karata na relaciji Vareš-Zenica za lica u stanju socijalne potrebe a radi odlaska u KB Zenica zbog liječenja ili dijagnostičke obrade. Refundaciju voznih karata prema autoprevozniku Ljaljić turs vrši direktno Općina Vareš. Cijena povratne karte na pomenutoj relaciji je u protekloj godini iznosila 30,00 KM, tako da su za ovu namjenu izdvojena sredstva u visini od oko 4800,00 KM.

IZDVAJANJA ZA SOCIJALNU ZAŠTITU 2015-2025 GODINA



III ZAKLJUČAK

JU Centar za socijalni rad Vareš u 2025. godini realizovao je programske i planirane ciljeve i zadatke te prihvatio i prilagodio novim zakonskim propisima koji regulišu oblast socijalne zaštite kao i novim standardima u pogledu elektronske obrade podataka. Također, u izvještajnom periodu vršene su redovne isplate i naknade prema korisnicima prava a podnešeni zahtjevi rješavani su u veoma kratkom roku.

U pogledu broja korisnika koji prolaze kroz evidencije u određenim pravima došlo je do evidentnog pada broja korisnika a koji se uglavnom odnosi na prava iz oblasti zaštite porodice sa djecom odnosno prava porodilja u random i van radnog odnosa što predstavlja ozbiljan problem za lokalnu zajednicu i u tom pogledu bi bilo potrebno da lokalna zajednica proširi obim prava za ovu kategoriju čime bi se stimulisao i poboljšao natalitet.

Od ukupnog broja korisnika koji prolazi kroz evidencije JU CSR Vareš najveći broj predstavljaju starija i iznemogla lica, lica sa invaliditetom i lica kojima je zbog posebnih okolnosti potreban određen oblik zaštite te bi bilo poželjno i za ova lica proširiti prava u smislu pomoći u liječenju i plaćanja troškova pristupu zdravstvenim ustanovama.

U izvještajnom periodu Centar je iznalazio načine da samostalno ili u saradnji sa drugim subjektima, vladinim i ne vladinim i pojedincima-donatorima osigura dodatna novčana i druga sredstva kako bi zadovoljio što veći broj potreba građana i korisnika.

Ostvarena je dobra saradnja sa osnivačem i drugim subjektima kao što su: pravosudni organi, policija, zdravstvene institucije, mjesne zajednice, škole, razne druge ustanove i institucije.

Također, veoma pozitivno je to da se postojeći zakoni konstantno mijenjaju i proširuju se oblici prava, a novčane naknade po priznatim pravima dodatno uvećavaju.

Obzirom na složenost i obim poslova u JU Centar za socijalni rad i potrebe stanovništva za proširenim mjerama i uslugama socijalnog rada, te imajući u vidu činjenicu da se konstantno mijenjaju postojeća zakonska rješenja i uvode nova prava i oblici te proširuju postojeća i ranije utvrđena prava potrebno je i dalje materijalno jačati JU Centar za socijalni rad kako bi na kraju mogli udovoljiti svim zahtjevima.



DIREKTOR
Nihada Gondzo
Nihada Gondzo

**JAVNA USTANOVA
CENTAR ZA SOCIJALNI RAD
VAREŠ**

Broj: 04-03- 497/26
Vareš, 18.05.2026.godine

Na osnovu člana 29. Pravila JU Centra za socijalni rad Vareš broj: 05-5-2435/14 od 21.11.2014.godine, Upravni odbor JU Centra za socijalni rad Vareš, na sjednici održanoj dana 18.05.2026.godine, d o n i o j e

ODLUKU
o usvajanju Izvještaja JU Centra za socijalni rad Vareš

Član I

Upravni odbor JU Centra za socijalni rad Vareš jednoglasno usvaja Izvještaj o radu JU Centar za socijalni rad Vareš za 2025.godinu.

Član II

Ova Odluka stupa na snagu danom donošenja i objavit će se na oglasnoj ploči JU Centra za socijalni rad Vareš.



PREDSJEDNIK UO

Sonja Zukan
Sonja Zukan